

CLARIMYCIN FILM COATED TABLET

Clarithromycin (250mg, 500mg)

Apakah yang ada pada risalah ini

1. Apakah kegunaan CLARIMYCIN FILM COATED TABLET
2. Bagaimana CLARIMYCIN FILM COATED TABLET berfungsi
3. Sebelum menggunakan CLARIMYCIN FILM COATED TABLET
4. Cara menggunakan CLARIMYCIN FILM COATED TABLET
5. Semasa menggunakan CLARIMYCIN FILM COATED TABLET
6. Kesan-kesan sampingan
7. Cara penyimpanan dan pelupusan CLARIMYCIN FILM COATED TABLET
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor Siri

Apakah kegunaan CLARIMYCIN FILM COATED TABLET

CLARIMYCIN FILM COATED TABLET digunakan untuk merawat jangkitan bakteria, termasuk yang berikut:

- jangkitan pada saluran *nosepharyn* (*tonsilitis*, *pharyngitis*), dan sinus paranasal.
- jangkitan pada saluran pernafasan seperti bronkitis, pneumonia bakteria dan pneumonia atipikal.
- merawat jangkitan kulit seperti *impetigo*, *erysipelas*, *folliculitis*, *furunculosis* dan luka septik.

Bagaimana CLARIMYCIN FILM COATED TABLET berfungsi

CLARIMYCIN FILM COATED TABLET ialah sejenis antibiotik yang tergolong dalam kumpulan ubat yang dikenali *macrolide*. Ubat ini berkesan dengan membunuh serta menghentikan pertumbuhan bakteria yang menyebabkan jangkitan.

Sebelum menggunakan CLARIMYCIN FILM COATED TABLET

- *Bila tidak boleh menggunakan*
Jangan menggunakan CLARIMYCIN FILM COATED TABLET jika:
 - anda pernah mempunyai reaksi alahan terhadap ubat yang mengandungi clarithromycin dan

antibiotik lain yang tergolong dalam kumpulan *macrolide*. Simptom-simptom tindak balas alahan termasuk ruam kulit, gatal-gatal, sukar bernafas atau pembengkakan muka, bibir atau lidah, yang mengakibatkan kesukaran dalam menelan atau bernafas.

- anda mempunyai penyakit jantung atau denyutan jantung yang tidak teratur.
- anda mengalami gangguan elektrolit.
- anda mengambil ubat seperti terfenadine, yang biasanya digunakan untuk merawat reaksi alahan.

- *Sebelum mula menggunakan CLARIMYCIN FILM COATED TABLET*

Beritahu doktor jika anda alahan terhadap sebarang ubat, makanan, pewarna atau pengawet.

Beritahu doktor anda jika anda mempunyai atau pernah mempunyai penyakit buah pinggang atau hati.

Mengandung atau menyusukan anak

Sila rujuk kepada doktor anda sebelum menggunakan CLARIMYCIN FILM COATED TABLET jika anda mengandung, merancang untuk mengandung, menyusukan anak, atau berhasrat untuk menyusukan anak. Doktor anda akan mempertimbangkan risiko pengambilan CLARIMYCIN FILM COATED TABLET berbanding manfaat yang diharapkan kepada anda.

- *Jika mengambil ubat-ubat lain*
Jangan ambil CLARIMYCIN FILM COATED TABLET jika anda mengambil mana-mana ubat berikut: domperidone (digunakan untuk loya & muntah). Beritahu doktor anda atau ahli farmasi jika anda mengambil ubat lain, termasuk sebarang ubat yang dibeli tanpa preskripsi dari farmasi, pasaraya, atau kedai makanan kesihatan.

Sesetengah ubat mungkin mengganggu cara CLARIMYCIN FILM COATED TABLET berfungsi. Ini termasuk ubat seperti berikut:

- *theophylline*, ubat untuk asma
- *carbamazepine*, ubat untuk sawan
- *digoxin*, ubat untuk penyakit jantung
- *warfarin*, ubat untuk penipisan darah
- *terfenadine*, ubat untuk reaksi alahan

Doktor anda atau ahli farmasi mungkin mempunyai maklumat yang lanjut mengenai perkara perlu diberi perhatian dan perkara yang perlu dielakkan semasa mengambil ubat.

Cara menggunakan CLARIMYCIN FILM COATED TABLET

- *Berapa banyak harus digunakan*
Dewasa: satu 250mg setiap 12 jam. Untuk keadaan jangkitan yang serius, dos boleh ditambah sehingga 500mg setiap 12 jam.

Doktor anda akan memberi preskripsi yang rendah untuk anda jika anda mempunyai masalah buah pinggang.

- *Bila perlu digunakan*
CLARIMYCIN FILM COATED TABLET perlu diambil mengikut masa yang dicadangkan oleh doktor anda atau ahli farmasi.

- *Berapa lama perlu digunakan*
Teruskan penggunaan CLARIMYCIN FILM COATED TABLET selagi mana yang diarahkan oleh doktor anda. Ia boleh mencecah sehingga 6- 14 hari mengikut kadar jangkitan.

Jangan berhenti menggunakan ubat ini, walaupun anda merasa lebih baik selepas beberapa hari, melainkan sekiranya disarankan oleh doktor anda. Jangkitan anda mungkin tidak akan hilang sepenuhnya jika anda berhenti penggunaannya terlalu awal.

- Jika terlupa menggunakan

Jika anda terlupa mengambil satu dos, ambil dos tersebut secepat mungkin. Namun begitu, jika masa pengambilannya sudah hampir kepada dos yang seterusnya, lupakan dos tersebut and ambil secara normal mengikut jadual. Jangan mengambil dos secara dua kali ganda untuk mengkompensasikan dos yang terlupa.

- Jika mengguna berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital yang terdekat, jika anda merasakan anda atau orang lain mungkin mengambil dos yang berlebihan. Ini perlu dilakukan walaupun tiada sebarang kesan keracunan atau tidak selesa. Anda mungkin memerlukan perhatian perubatan dengan segera.

Semasa menggunakan CLARIMYCIN FILM COATED TABLET

- Perkara yang perlu dilakukan

Ikut arahan doktor anda ketika anda mengambil CLARIMYCIN FILM COATED TABLET.

Sekiranya anda mengalami cirit birit yang teruk, beritahu doktor anda atau ahli farmasi dengan segera.

Beritahu doktor anda jika anda mengandungi semasa menggunakan CLARIMYCIN FILM COATED TABLET.

- Perkara yang tidak boleh dilakukan

Jangan berhenti mengambil ubat ini atau mengubah pengambilan dos tanpa arahan doktor. Jangan memberi ubat ini kepada orang lain walaupun simptom mereka serupa dengan anda.

- Perkara yang perlu diberi perhatian

Memandu dan menggunakan jentera

Perhatian diperlukan ketika memandu atau mengendalikan mesin sehingga anda tahu bagaimana CLARIMYCIN FILM COATED TABLET memberi kesan kepada anda.

Kesan-kesan sampingan

Beritahu doktor anda atau ahli farmasi secepat mungkin jika anda merasakan tidak sihat semasa pengambilan CLARIMYCIN FILM COATED TABLET.

CLARIMYCIN FILM COATED TABLET mampu merawat jangkitan bagi kebanyakan orang, tetapi ia mungkin mempunyai kesan sampingan yang tidak diingini. Sesetengah mungkin serius, namun kebanyakannya tidak serius. Anda mungkin memerlukan rawatan perubatan jika anda mengalami kesan sampingan, seperti cirit birit, muntah, sakit badan, loya, sakit kepala, perubahan deria rasa, reaksi alahan seperti gatal-gatal dan letusan kulit yang ringan sehingga *anaphylaxis* (reaksi alahan yang teruk), kegelisahan, pening, insomnia, halusinasi, dan kekeliruan.

Hentikan penggunaan CLARIMYCIN FILM COATED TABLET dan dapatkan bantuan perubatan dengan segera jika anda mengalami sebarang gejala berikut:

Kulit kemerahan, lepuh, ruam, demam, sakit tekak atau kerengsaan mata.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers → Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan CLARIMYCIN FILM COATED TABLET

- Penyimpanan

Simpan di bawah suhu 30°C, elakkan daripada terdedah kepada cahaya dan kelembapan.

- Pelupusan

CLARIMYCIN FILM COATED TABLET perlu dilupuskan apabila doktor atau ahli farmasi menyuruh anda berhenti mengambil ubat ini atau ubat ini telah luput tarikh. Sila bertanya kepada ahli farmasi anda bagaimana untuk melupuskan ubat yang tidak lagi diperlukan.

Maklumat lanjut

- Rupa dan warna produk

CLARIMYCIN FILM COATED TABLET 250MG:

Tablet bersalut filem kuning terang, dalam bentuk "YSP 25".

CLARIMYCIN FILM COATED TABLET 500MG:

Tablet bersalut filem kuning muda, dalam bentuk "YSP 50".

- Bahan-bahan kandungan

- Bahan aktif
Clarithromycin

- Bahan tidak aktif
CLARIMYCIN FILM COATED TABLET 250MG:

Cellulose
Sodium Starch Glycolate
Sorbitan Trioleate
Sorbic Acid
Cellulose Sodium
Magnesium Stearate
Talc
Stearic Acid
Povidone
Polyethylene Glycol
Silicon Dioxide
Starch
Quinolone Yellow
Titanium Dioxide
Dimethicone
Croscarmellose Sodium

CLARIMYCIN FILM COATED TABLET 500MG:

Cellulose
Sodium Starch Glycolate
Sorbitan Trioleate
Sorbic Acid
Cellulose Sodium
Magnesium Stearate
Talc
Stearic Acid
Povidone
Polyethylene Glycol
Silicon Dioxide
Starch
Opadry II Yellow
Croscarmellose Sodium

- Nombor MAL:

CLARIMYCIN FILM COATED TABLET 250MG:
MAL07124607AZ

CLARIMYCIN FILM COATED TABLET 500MG:
MAL07124609AZ

**Pengilang dan Pemegang
Pendaftaran Produk**

Y.S.P. Industries (M) Sdn. Bhd.
Lot 3, 5, 7 & 12, Jalan P/7, Section
13, Kawasan Perindustrian Bandar
Baru Bangi, 43000 Kajang, Selangor,
Malaysia.

Tarikh kemaskini RiMUP

31/07/2024

Nombor Siri

BPFK(R4/1)160216/00039